

Headlines

- मुखमन्त्री ओमर अब्दुल्ला होरें मन्त्रिमंडल दी बैठक लाइयै जम्मू-कश्मीर च आरक्षण, रोजगार ते भर्षिणं सरबन्धी मामलें पर चर्चा कीती।
- राष्ट्रपति द्रौपदी मुर्मु होरें सब्बनें नागरिकें गी गुजारिश कीती ऐ जे ओहू भारत गी विकसित राष्ट्र बनाने लेई राष्ट्र गी सब्बनें शा पैहले रक्खने आहले नज़रिये गी अपनान।
- सांबा दे डिप्टी कमिशनर राजेश शर्मा ते एसएसपी वरिंदर सिंह मन्हास होरें कटरा-अमृतसर-दिल्ली जरनैली सिडक परियोजना कन्नै जुडे दे श्रमिकें दे कैपें दी व्यापक सुरक्षा समीक्षा कीती।
- प्रधानमन्त्री नरेंद्र मोदी होरें 5एं दिनें दी नाइजीरिया, ब्राजील ते गुयाना यात्रा दे दरान दुनिया भरै दे बड्डे नेताएं कन्नै नेकां दपक्खी बैठकां कीतीआं।
- फौज दी उत्तरी कमान दे जीओसी होरें बल च नमीं शामिल कीती गेदी 'अस्मी' मशीन पिस्टल दी समीक्षा कीती। 'अस्मी' मशीन पिस्टल गी स्वदेशी तौर पर तैयार कीता गेदा ऐ।

<><><><><><>

Omar Cabinet

मुखमन्त्री ओमर अब्दुल्ला होरें अज्ज अपने मन्त्रिमंडल दी बैठक लाई। इस दरान बेरोजगारी, आरक्षण ते भर्षी प्रक्रिया सने होरनें बी केई मामलें पर चर्चा कीती गेई ते मौके पर गै केई निर्देश बी जारी कीते गे। जम्मू-कश्मीर च सरकारी नौकरिणं लेई आरक्षण दी हद्द दी नमें सिरेया नजरसानी दी बधदी मंग पर चर्चा करदे होई मन्त्रिमंडल नै इक उप-समिति खडेरने दा फैसला लैता ऐ जेह्डी इस मामले गी लेइयै बक्ख-बक्ख सरबन्धत धडें कन्नै गल्लबात करोग। उपमुखमन्त्री सुरिंदर चौधरी, होर दुए मन्त्रिणं ते मुख सचिव अटल डुल्लु होरें बी इस बैठका च हिस्सा लैता। प्रदेश च नमीं सरकार दे गठन परैन्त मन्त्रिमंडल दी एहू दुई बैठक ही। बैठक परैन्त मीडिया गी इस बारै जानकारी दिंदे होई जल शक्ति ते जंगलात सरबन्धी मैहकमें दे मन्त्री जावेद अहमद राणा होरें दस्सेआ जे बैठक दरान केई सारे अहम मामलें पर चर्चा कीती गेई जिं'दे च रोजगार, आरक्षण, भर्षी प्रक्रिया ते विकास सरबन्धी मामले शामिल न।

<><><><><><>

Prez. Nation First

राष्ट्रपति द्रौपदी मुर्मु होरें भारत गी विकसित राष्ट्र बनाने लेई सब्बनें देशवासियें गी राष्ट्र गी सब्बनें शा पैहले रक्खने आहला नजरिया अपनाने पर बल दिता ऐ। हैदराबाद च अज्ज लोक मंथन दे चौथे संस्करण गी संबोधित करदे होई राष्ट्रपति होरें इस गल्लै पर जोर भरेया जे सब्बनें नागरिकें गी देशै दी सांस्कृतिक ते बौद्धिक विरासत गी समझना लोडचदा ते हमारी अनमुल्ली परंपराएं गी मजबूत करना लोडचदा ऐ। राष्ट्रपति होरें आखेआ जे बन्न-सबन्नता स्हाडे देशै दी एकता गी खूबसूरती दे इंद्रधनुषै च परोंदी ऐ ते राष्ट्री एकता दी भावना नै केई चुनौतियें दे बावजूद देशै गी इकजुट रक्खेआ ऐ।

<><><><><><>

DC-Samba

सांबा दे डिप्टी कमिशनर राजेश शर्मा ते एसएसपी वरिंदर सिंह मन्हास होरें कटरा-अमृतसर-दिल्ली जरनैली सिडकें सरबन्धी परियोजनाएं कन्नै जुडे दे श्रमिकें दे कैपें दी व्यापक सुरक्षा समीक्षा कीती। इस निरीक्षण शा पैहले खित्ते च एम्स दिणं सुविधाएं दा आकलन बी कीता गेआ हा। राष्ट्री जरनैली सिडकें सरबन्धी प्राधिकरण दे अधिकारिणं ते निर्माण कंपनीएं दे प्रतिनिधिणं दे

कन्नै इक उच्च-स्तरी सुरक्षा समीक्षा कीती गई। इस मौके पर सामरिक महत्व आहली कटरा-अमृतसर-दिल्ली जरनैली सिडक परियोजना कन्नै जुडे दे कार्यबल आहले सबबनें हिस्सें दी राकखी लेई तगडे सुरक्षा हीले अमल च आहनेने बकखी ध्यान केन्द्रित कीता गेआ। अधिकारिएं मजूदा सुरक्षा नियमें ते बकख-बकख श्रमिक केंपें आहली थाहें पर ढांचागत सुविधाएं दा आकलन कीता ते मजूदा कमिएं-खामिएं गी तुरत दूर करने दा हुकम बी रसाल कीता गेआ। इस बारै मीडिया कर्मिएं गी जानकारी दिंदे होई सांबा दे डिप्टी कमिशनर होरें आखेआ .... बाईट .....

<><><><><><>

### Kathua-Agriculture

कठुआ दे राईबाई उत्पादन ते करसान कल्याण विभाग पूरे-पराते राईबाई विकास कार्यक्रम तैहत जिले च पूरे बरे च खुम्बें दी रड गित्तै कम्म च लगगे देन। इस मौके कठुआ दे मुख राई-बाई अफसर संजीव राय होरें आखेआ जे पैहले खुम्बें दी रड दऊं गै रूतें च हुंदी ही मगरा विभाग दियें बकख-बकख पैहल तैहत हुन साल बरे च खुम्बें दी रड कीती जंदी ऐ। उनें आखेआ जे.....

<><><><><><>

### Power Grid

उधमपुर दे डीसी दफतर परिसर च अज्ज लोआए गेदे इक कार्यक्रम दरान पावर ग्रिड कारपोरेशन ऑफ इंडिया नै कारपोरेट-समाजी जिम्मेदारी दे तैहत टीबी दी जांच आहली 1 टूनैट मशीन ते कचरा किट्टा करने आहलियां 5 गड्डियां जिला प्रशासन दे सुपुर्द कीतीआं। पावर ग्रिड कारपोरेशन ऑफ इंडिया दे उत्तरी संभाग-2 दे वरिष्ठ जनरल मैनेजर शफकत अहमद होरें एह सारियां चीजां उधमपुर दिएं डिप्टी कमिशनर सलोनी राय हुंदी मजूदगी च कारपोरेशन दी तरफा जिला प्रशासन गी भेंट कीतीआं। डिप्टी कमिशनर सलोनी राय होरें कारपोरेट-समाजी जिम्मेदारी दे तैहत इस नेक पैहलकदमी लेई पावर ग्रिड कारपोरेशन दा धन्नवाद कीता। इस मौके बोलदे होई डिप्टी कमिशनर सलोनी राय होरें आखेआ

<><><><><><>

### Goa-IFFI

मुखमंत्री ओमर अब्दुल्ला होरें अज्ज अपने मंत्रिमंडल दी बैठक लाई। इस दरान बेरोजगारी, आरक्षण ते भर्ती प्रक्रिया सने होरनें बी केई मामलें पर चर्चा कीती गई ते मौके पर गै केई निर्देश बी जारी कीते गे। जम्मू-कश्मीर च सरकारी नौकरिएं लेई आरक्षण दी हद्द दी नमें सिरेया नजरसानी दी बधदी मंग पर चर्चा करदे होई मंत्रिमंडल नै इक उप-समिति खडेरने दा फैसला लैता ऐ जेह्डी इस मामले गी लेइयै बकख-बकख सरबंधत धडें कन्नै गल्लबात करोग। उपमुखमंत्री सुरिंदर चौधरी, होर दुए मंत्रिएं ते मुख सचिव अटल डुल्लु होरें बी इस बैठका च हिस्सा लैता। प्रदेश च नमीं सरकार दे गठन परैन्त मंत्रिमंडल दी एह दुई बैठक ही। बैठक परैन्त मीडिया गी इस बारै जानकारी दिंदे होई जल शक्ति ते जंगलात सरबंधी मैहकमें दे मंत्री जावेद अहमद राणा होरें दस्सेआ जे बैठक दरान केई सारे अहम मामलें पर चर्चा कीती गई जिं'दे च रोजगार, आरक्षण, भर्ती प्रक्रिया ते विकास सरबंधी मामले शामिल न।

<><><><><><>

### PM-Foreign Meeting

प्रधानमंत्री नरेंद्र मोदी होरें 5एं दिनें दी नाइजीरिया, ब्राजील ते गुयाना यात्रा दे दरान दुनिया भरै दे बड्डे नेताएं कन्नै नेकां दपकखी बैठकां कीतीआं। प्रधानमंत्री होरें इस दरान 31 दपकखी बैठकें च हिस्सा लैता ते आलमी सतह दे बड्डे नेताएं कन्नै अनौपचारिक गल्लबात बी कीती। श्री मोदी होरें नाइजीरिया च इक, ब्राजील च 10 ते गुयाना च 9 दपकखी बैठकां कीतीआं। प्रधानमंत्री होरें इंडोनेशिया दे राष्ट्रपति प्रबोवो सुबियांटो, पुर्तगाल दे प्रधानमंत्री लुइस मोटेनेग्रो, ब्रिटेन दे प्रधानमंत्री कीर स्टारमर, चिली दे राष्ट्रपति गेब्रियल बोरिक ते अर्जेटीना दे राष्ट्रपति जेवियर माइली हुंदे कन्नै दपकखी बैठकां कीतीआं। एहदे

अलावा उन्हें सिंगापुर, दक्खन कोरिया, मिस्र, अमरीका ते स्पेन दे नेताएं, बक्ख-बक्ख अंतर्राष्ट्री संगठनें दे प्रमुखें ते अधिकारियें कन्नै अनौपचारिक गल्लबात ते बैठकां बी कीतीआं।

<><><><><><>

### GoC-Northern Command

उत्तरी फौजी कमांडर लेफ्टिनेंट जनरल एम.वी सुचिंद्रा कुमार होरें नमीं शामिल कीती गेदी 'अस्मी' नांs दी मशीनी पस्तौल दा जायजा लैता। आकाशवाणी जम्मू संवाददाता दी रिपोर्ट मताबक फौजी कमांडर होरें उधमपुर च उसी चलाइयै औदी फायरिंग क्षमता दा जायजा लैता। फौज नै इस म्हीने देसै च बनी दी 'अस्मी' बी.सी.सी.आई नै अगले मशीनी पस्तौल गी उत्तरी कमान च शामिल कीता ऐ जेडी जे लद्दाख ते जम्मू-कश्मीर च अभियानें गी चलांदी ऐ। एहू 100 फीसद भारत च बने दे हथियार दी पैहली खेप ऐ जिस राएं नजदीकी युद्ध लेई विशेष फौजी बल गी लैस कीता गेआ ऐ। उत्तरी कमान नै सोशल मीडिया प्लेटफार्म 'एक्स' उप्पर आखेआ जे भरत च बने दे हथियार ताई भारतीय फौज दा आत्मनिर्भर भारत बक्खी अनत्रुट बचनबद्धता दर्शादा ऐ। हथियार गी फौज दे Colonel Prasad Bansod होरें DRDO कन्नै रलियै विकसित कीता ऐ।

<><><><><><>

### Rajnath Japan

रक्षा मंत्राली राजनाथ सिंह होरें अज्ज लाओस दी राजधानी वियनतियाने च जपान दे रक्षा मंत्री जनरल निकातानी हुंदे नै मुलाकात कीती। सोशल मीडिया पोस्ट च सिंह होरें आखेआ जे जनरल निकातानी कन्नै उंदी मुलाकात मती शैर रेई। उनें विश्वास जताया जे दौनें देशें बश्कार बेहतर सांझेदारी हिंद प्रशांत क्षेत्र लेई महत्वपूर्ण साबत होग।

<><><><><><>

### Poonch-Tributes

15 कोर दे जनरल आफिसर कमांडिंग लेफ्टिनेंट नवीन सचदेवा होरें उनें बहादुर शहीदें गी श्रद्धांजलि अर्पित कीती जिनें अपनी जिंदू दा बलिदान पुंछ गी बाकी देसै नै जोड़ने गितै कीता हा। पुंछ नमन स्थल च लोआए गेदे काज।क्रम च लेफ्टिनेंट जनरल सचदेवा होरें बहादुर शहीदें गी पुष्प चक्र चढाए ते उंदे बलिदान गी चेत्ता कीता। किट्टु गी संबोधित करदे होई लेफ्टिनेंट जनरल सचदेवा होरें इनें शहीदें आसेआ अपनी जिंदू दे बलिदान दी अहमियत दे बारे लौऽ पाई ते पुंछ गी भारत कन्नै जोड़ने दे उंदे प्रयासें दे बारे बी गल्लकत्थ कीती। कार्यक्रम च वरिष्ठ फौजी अधिकारी, मकामी शख्सियतां ते खित्ते दे मकामी बसनीक शामिल हे। आकाशवाणी कन्नै गल्ल करदे होई रिटायर कैप्टन मोहम्मद सादिक होरें आखेआ।

<><><><><><>

### Volleyball

वॉलीबॉल टूर्नामेंट दा आयोजन जम्मू-कश्मीर वॉलीबॉल संघ नै J&K Sports Council कन्नै रलियै चिनाब वैली पावर प्रोजेक्ट दे साथ-सहयोग कन्नै कराया। कार्यक्रम च खित्ते थमां 8 स्कूली टीमें हिस्सा लैता। टूर्नामेंट दी मेजबानी किश्तवाड दे कुडियें दे हायर सेकेंडरी स्कूल नै कीती। इस मौके किश्तवाड दे एसएसपी जावेद इकबाल मीर होर कार्यक्रम च मुख परौहने हे ते उनें कार्यक्रम दे आयोजकें दी सराहना कीती। इस मौके वॉलीबॉल संघ दे सीईओ कुलदीप मंगोत्रा होरें आकाशवाणी कन्नै गल्ल करदे होई आखेआ।

<><><><><><>

### IPL-2025

BCCI नै अगले 3 आई.पी.एल मैचें दी तरीखें दी घोषणा कीती। मीडिया रिपोर्ट मताबक 2025 बरे च मैच 14 मार्च थमां 25 मई तोड़ी चलोग। फही 2026 बरे च 15 मार्च थमां 31 मार्च ते 2027 बरे च 14 मार्च थमां 30 मई तोड़ी चलोग। 2025 बरे च 74 मैच होडन।